



卷六十六

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷六十六
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大戴禮風姓代燧人氏繼天而王母曰

伍子胥列傳第六

史記六十六

伍子胥者楚人也名負負父曰伍奢負兄曰

伍尚其先曰伍舉以直諫事楚莊王

索隱曰舉直諫

見左氏楚世家

有顯故其後世有名於楚楚平王有

太子名曰建使伍奢為太傅費無忌為少傅

索隱曰左氏作費無極

無忌不忠於太子建平王使無

忌為太子取婦於秦秦女好無忌馳歸報平

王曰秦女絕美王可自取而更為太子取婦

平王遂自取秦女而絕愛幸之生子軫更為太子取婦無忌既以秦女自媚於平王因去太子而事平王恐一旦平王奪而太子立殺已乃因讒太子建建母蔡女也無寵於平王平王稍益䟽建使建守城父地理志潁川有城父縣○索隱曰城父本陳邑楚伐陳而有之備邊兵頃之無忌又日夜言太子短於王曰太子以秦女之故不能無怨望願王少自備也自太子居城父將兵外交

諸侯且欲入為亂矣平王乃召其太傅伍奢考問之伍奢知無忌讒太子於平王因曰王獨奈何以讒賊小臣䟽骨肉之親乎無忌曰王今不制其事成矣王且見禽於是平王怒囚伍奢而使城父司馬奮揚徙殺太子索隱曰奮揚城父司馬之姓名也行未至奮揚使人先告太子太子急去不然將誅太子建亡奔宋無忌言於平王曰伍奢有二子皆賢不誅且為楚憂可

以其父質而名之不然且為楚患王使使謂
伍奢曰能致汝二子則生不能則死伍奢曰
尚為人仁呼必來負為人剛戾忍詢音大詬反索隱
日鄒氏作詬詬罵也音迤能成太事彼見來之并禽其勢
必不來王不聽使人召二子曰來吾生汝父
不來今殺奢也伍尚欲往負曰楚之召我先
弟非欲以生我父也恐有脫者後生愚故以
父為質詐召二子二子到則父子俱死何益

父之死往而令讎不得報耳不如奔他國借
力以雪父之恥俱滅無為也伍尚曰我知往
終不能全父命然恨父召我以求生而不往
後不能雪恥終為天下笑耳謂負可去矣汝
能報殺父之讎我將歸死尚既就執使者捕
伍胥伍奢貫弓執矢嚮使者索隱曰劉氏貫音彎又古患反
謂滿張弓使者不敢進伍奢遂亡聞太子建之在
宋往從之奢聞子胥之亡也曰楚國君臣且

皆兵矣伍尚至楚楚并殺奢與尚也伍胥既

至宋宋有華氏之亂索隱曰春秋昭二十二年宋華亥向寧華定與君

爭而出乃與太子建俱奔於鄭鄭人甚善之

太子建又適晉晉頃公曰太子既善鄭鄭信

太子太子能為我內應而我攻其外滅鄭必

矣滅鄭而封太子太子乃還鄭事未會會自

私欲殺其從者從者知其謀乃告之於鄭鄭

定公與子產誅殺太子建建有子名勝伍胥

懼乃與勝俱奔吳到昭關索隱曰其關在江西乃吳楚之境

昭關欲執之伍胥遂與勝獨身步走樂不得

脫追者在後至江江上有一漁父乘船知伍

胥之急乃渡伍胥伍胥既渡解其劍曰此劍

直百金以與父父曰楚國之法得伍胥者賜

粟五萬石爵執珪豈徒百金劍耶不受伍胥

未至吳而疾止中道乞食張勃曰子胥乞食處在丹陽溧陽縣

○索隱曰張勃晉人吳鴻臚儼之子作至於

吳錄故裴氏註引之溧立粟水名也

吳王僚方用事公子光為將伍胥乃因公子光以求見吳王久之楚平王以其邊邑鍾離與吳邊邑卑梁氏俱蠶兩女子爭桑相攻乃大怒至於兩國舉兵相伐吳使公子光伐楚拔其鍾離居巢而歸索隱曰二邑楚縣也鍾離在六安古鐘離子之國世本謂之終犁嬴姓之國居巢亦國也桀奔南巢其國蓋遠尚書序巢伯來朝蓋因居之於淮南楚地伍子胥說吳王僚曰楚可破也願復遣公子光公子光謂吳王曰彼伍胥父兄

為戮於楚而勸王伐楚者欲以自報其讎耳伐楚未可破也伍胥知公子光有內志欲殺王而自立未可說以外事乃進專諸於公子光索隱曰左傳謂專設諸退而與太子建之子勝耕於野五年而楚平王卒初平王所奪太子建蔡女生子軫及平王卒軫竟立為後是為昭王吳王僚因楚喪使二公子將兵往襲楚楚發兵絕吳兵之後不得歸吳國內空而公子光

乃令專諸襲刺吳王僚而自立是為吳王闔廬闔廬既立得志乃召伍員以為行人而與謀國事楚誅其大臣郤宛伯州犂伯州犂之孫伯嚭亡奔吳徐廣曰伯州犂者晉伯宗子伯州犂子曰郤宛宛子曰伯嚭宛亦姓伯又別氏郤楚世家云殺郤宛宛之宗姓伯氏子曰嚭吳世家云楚誅伯州犂其孫嚭奔吳也吳亦以嚭為大夫前王僚所遣一公子將兵伐楚者道絕不得歸索隱曰公子後燭庸及蓋餘後聞闔廬弒王僚自立遂以其兵降楚楚封之

於舒闔廬立三年乃興師與伍胥伯嚭伐楚拔舒遂禽故吳反二將軍因欲至郢將軍孫武曰民勞未可且待之乃歸四年吳伐楚取六與潛六古國臯陶之後所封潛縣有天柱山五年伐越敗之六年楚昭王使公子囊瓦案左傳楚公子貞字子常此言公子又兼稱囊瓦誤也將兵伐吳吳使伍員迎擊大破楚軍於豫章豫章在江南○索隱曰按杜預云昔豫章在江北蓋後徙之於江南也取楚之居巢九年吳王闔廬謂子

師

胥孫武曰始子言郢未可入今果何如二子
 對曰楚將囊瓦貪而唐蔡皆怨之王必欲大
 伐之必先得唐蔡乃可闔廬聽之悉興歸與
 唐蔡伐楚與楚夾漢水而陳吳王之弟夫概
 將兵請從索隱曰繫音古賚反王不聽遂以其屬五千
 人擊楚將子常子常公孫瓦子常敗走奔鄭於是
 吳乘勝而前五戰遂至郢郢楚都○索隱曰郢音以正反又以
 反井已卯楚昭王出奔庚辰吳王入郢昭王出

六八雲夢盜擊王王走鄭音云國名○索隱曰走音奏走向也

鄭古之鄭國鄭公弟懷曰平王殺我父我殺其子

不亦可乎鄭公恐其弟殺王與王奔隨正義曰今

有楚昭王故城昭王奔隨之處宮之北城即是吳兵圍隨謂隨人曰

周之子孫在漢川者楚盡滅之隨人欲殺王

王子綦匿王已自為王以當之隨人卜與王

於吳不吉乃謝吳不與王始伍負與申包胥

為交負之亡也謂包胥曰我必覆楚包胥曰

掘穿地也

我必存之及具兵入郢伍子胥求昭王既不
得乃掘楚平王墓出其尸鞭之三百然後已
申包胥亡於山中使人謂子胥曰子之報讎
其以甚乎吾聞之人衆者勝天天定亦能破
人正義曰申包胥言聞人衆者雖一時凶人
暴勝天及天降其凶亦破於強暴之人今
子故平王之臣親北面而事之今至於僂死
人此豈其無天道之極乎伍子胥曰為我謝
申包胥曰吾日暮塗遠吾故倒行而逆施之

索隱曰倒音丁老反施如字子胥言志在復
讎常恐且死不遂本心今幸而報豈論道理
乎譬如人行前途尚遠而日勢已暮故其於
在顛倒疾行逆理施事何得責吾順理乎於

是申包胥走秦告急求救於秦秦不許包胥
立於秦廷晝夜哭七日七夜不絕其聲秦哀
公憐之曰楚雖無道有臣若是可無存乎乃
遣車五百乘救楚擊吳六月敗吳兵於稷

地名在郊外○索隱曰左傳作稷丘會吳王久留楚求昭王而

闔廬弟夫槩乃亡歸自立為王闔廬聞之乃

釋楚而歸擊其弟夫槩夫槩敗走遂奔楚楚

昭王見吳有內亂乃復入郢封夫槩於堂谿

徐廣曰在慎縣駟案地理志汝南有吳房縣應劭曰夫槩奔楚封於堂谿本房子國以封

吳故曰吳房然則不得在慎縣也○正義曰棠今豫州吳縣在州西北九十里為堂

谿氏楚復與吳戰敗吳吳王乃歸後二歲闔

廬使太子夫差將其伐楚取番音普寒反又音婆○索隱

曰蓋鄱陽也楚懼吳復大來乃去郢徙於都楚地音若

○索隱當是時吳以伍子胥孫武之謀西破

彊楚北威齊晉南服越人其後四年孔子相

魯後五年伐越越王勾踐迎擊敗吳於姑蘇

傷闔廬指正義曰姑蘇當作李乃文誤也左傳云戰構李傷將指卒於陘是

也解在軍郤闔廬病創楚良將死謂太子夫

差曰爾忘勾踐殺爾父乎夫差對曰不敢忘

是夕闔廬死夫差既立為王以伯嚭為太宰

習戰射二年後伐越敗越於夫湫音叔○索隱曰又如

字○正義曰太湖中越王勾踐乃以餘兵五

千人棲於會稽之上正義曰上地名在越州會稽縣東南十二里

使大夫種厚幣遺吳太宰嚭以請和索隱曰

大夫姓種名非也按今吳南有文種垓則種姓文為大夫官也○正義曰高誘云大夫種

姓文氏字子禽楚之郢人求委國為臣妾吳王將許之伍

子胥諫曰越王為人能辛嘗今王不滅後必

悔之吳王不聽用太宰嚭計與越平其後五

年而吳王聞齊景公死而大臣爭寵新君弱

乃興師北伐齊伍子胥諫曰勾踐食不重味

滅一本作

吊死問疾且欲有所用之也此人不死必為

吳患今吳之有越猶人之有腹心疾也而王

不先越而乃務齊不亦謬乎吳王不聽伐齊

大敗齊師於艾陵正義曰括地志云艾山在兖州博野縣南百六十里

本齊博邑遂威鄒魯之君以歸正義曰鄒君居兖州鄒縣魯曲阜縣

益疏子胥之謀其後四年吳王將北伐齊越

王勾踐用子貢之謀乃率其眾以助吳而重

寶以獻遺太宰嚭太宰嚭既數受賂越其愛

信越殊甚，日夜為言於吳王。吳王信用，詔之計。伍子胥諫曰：夫越腹心之病，今其信浮辭，詐偽而貪齊，破齊譬猶石田，無所用之。且盤庚之誥曰：有顛越不恭，劓殄滅之，俾無遺育。無使易種于茲邑。此商之所以興，願王釋齊而先越。若不然，後將悔之無及。而吳王不聽，使子胥於齊。子胥臨行，謂其子曰：吾數諫王，王不用吾言，今見吳之亡矣。汝與吳俱亡，無益。

也。乃屬其子於齊，鮑牧而還報吳。吳太宰嚭既與子胥有隙，因讒曰：子胥為人剛暴少恩，猜賊其怨望，恐為深禍也。前日王欲伐齊，子胥以為不可，王卒伐之而有大功。子胥恥其計謀不用，乃反怨望。而今王又復伐齊，子胥專悻彊諫，索隱曰悻音皮過反沮毀用事，徒幸吳之敗以自勝其計謀耳。今王自行，悉國中武力以伐齊，而子胥諫不用，因輟謝，詳病不行。王不

可不備此起禍不難且郤使人微伺之其使
於齊也乃屬其子於齊之鮑氏夫為人臣內
不得意外倚諸侯自以為先王之謀臣今不
見用常鞅鞅怨望願王早圖之吳王曰微子
之言吾亦疑之乃使使賜伍子胥屬鏤之劍
鏤錄曰子以此死伍子胥仰天歎曰嗟乎讒
于反臣詬為亂矣王乃反誅我我今若父霸自若
未立時諸公子爭立我以死爭之於先王樂

不得立正義曰善既得立欲分吳國予我我

顧不敢望也然今若聽諛臣言以殺長者乃

告其舍人曰必樹吾墓上以梓今可以為器

正義曰器謂棺也以吳必亡也左傳而扶吾

眼索隱曰扶音烏吳東門之上正義曰東

越軍開示浦子胥濤盪羅城開此門有鱮鱮

隨濤入故以名門顧野王云以觀越寇之入

滅吳也乃自剄死吳王聞之大怒乃取子胥

尸盛以鴟夷革

應劭曰取馬革為鴟夷鴟夷
蓋形正義曰盛字音成蓋音

古曷反 浮之江中

徐廣曰魯哀公十一年○正
義曰案年表云吳王夫差十

也 一年

吳人憐之為立祠於江上

正義曰吳地
記曰越軍於

蘇州東南三十里三
江口又向下三里臨江
北岸立壇殺白馬祭
子胥極動酒盡後因立

廟於此江上今其側有浦名上壇浦至晉會
稽太守麋豹移廟吳郭東門內道南今其廟

見因命曰胥山

張晏曰胥山在太湖邊去江
不遠百里故云江上○正義

曰吳地記云胥山太湖邊胥湖東岸山西臨
胥湖山有古葬胥三王廟按其廟不干子胥

事太史誤矣
張注又非 吳王既誅伍子胥遂伐齊齊鮑

氏殺其君悼公而立陽生吳王欲討其賊不

勝而去其後二年吳王召魯衛之君會之橐

臯

索隱曰音拓臯杜預云地名在淮南浚道
縣東南○正義曰橐臯故縣在廬州巢縣

西北五
十六里 其明年因北大會諸侯於黃池正義
曰在

汴州封丘
縣南七里 以令周室越王勾踐襲殺吳太子

索隱曰左傳
太子名友 破吳兵吳王聞之乃歸使使厚

幣與越平後九年越王勾踐遂滅吳殺王夫

差而誅太宰嚭以不忠於其君而外受重賂

與已比周也正義曰紀伍子胥初所與俱亡

故楚太子建之子勝者在於吳吳王夫差之

時楚惠王欲召勝歸楚葉公諫曰正義曰上

預云子高勝好勇而陰求死士殆有私乎惠

王不聽遂召勝使居楚之邊邑鄢徐廣曰穎

○正義曰鄢音偃括地志云故鄢城在魏為

白公徐廣曰汝南褒信縣有白亭○正義曰

括地志云白亭在豫州褒南四十二里白公歸楚三

又有白公故城又許州扶溝縣北四十五里北又有白亭也

年而吳誅子胥白公勝既歸楚怨鄭之殺其

父乃陰養死士求報鄭歸楚五年請伐鄭楚

令尹子西許之其未發而晉伐鄭鄭請救於

楚楚使子西往救與盟而還白公勝怒曰非

鄭之仇乃子西也勝自礪劍人問曰索隱曰

子期之子平見日何以為勝曰欲以殺子西

子西聞之笑曰勝如外耳何能為也其後四

歲白公勝與石乞襲殺楚令尹子西司馬子

西

綦於朝

索隱曰左傳作子期也

石乞曰不殺王不可乃

劫之王如高府

索隱曰杜預云楚之別府

石乞從者屈固

徐廣曰一作惠王從者屈固楚世家亦云王從者○索隱曰蓋此本為得之左傳云石乞

尹門圍公陽穴官負王以如昭夫人之宮則公陽是楚之大夫士之從者也

負楚

惠王亡走昭夫人之宮

索隱曰昭王夫人即惠王母乃越女也

葉公聞白公為亂率其國人攻白公白公之

徒敗亡走山中自殺

正義曰左傳云白公奔而縊

而虜石

乞而問白公尸處不言將亨石乞曰事成為

卿不成而亨固其職也終不肯告其尸處遂

烹石乞而求惠王復立之

太史公曰怨毒之於人甚矣哉王者尚不能

行之於臣下况同列乎向令伍子胥從奢俱

死何異螻蟻棄小義雪大恥名垂於後世悲

夫方子胥窘於江上

索隱曰窘求殫反

道乞食志豈

嘗須臾忘郢邪故隱忍就功名非烈丈夫孰

能致此哉白公如不自立為君者其功謀亦

不可勝道者哉

索隱述贊曰

讒人罔極	交亂四國	嗟彼伍氏
被茲凶虐	負獨忍詒	志復寃毒
霸王起師	伐楚逐北	鞭尸雪恥
扶眼棄德		

伍子胥列傳第六

史記六十六

不圖書

所圖書



不許複製

NOT TO BE REPRODUCED

東京大学東洋文化研究所